

iTukutuku vei ira na vakalesilesi vou

CHARITIES
SERVICES

Ngā Ratonga Kaupapa Atawhai

Vinaka vakalevu o sa dua na vakalesilesi ni isoqosoqo ni veivuke e rejisita! Me vaka ni o dua na vakalesilesi e nomu itavi mo vakayacora na veika e gadrevi ena nomu isoqosoqo, mo raica ni vakamuri na inaki e tauyavu kina, me yaga tale ga na kena sasaga vei ira na lewenivanua.

Na itukutuku qo ena vukei iko mo kila nomu itavi ni o dua na vakalesilesi kei na sala o rawa ni qarava vinaka kina na nomu isoqosoqo ni veivuke.

► Mo kila na nomudou lawa kei na nomudou itavi

Mo rawa ni vakalesilesi vinaka, e bibi mo kila na [isoqosoqo ni veivuke cava](#) o cakacaka tiko kina kei na [nomu itavi](#).

Na [nomudou lawa](#) e vaka tiko e dua na lawatu se veidinadinati e vakaraitaka na inaki ni kena tauyavu na nomudou isoqosoqo ni veivuke kei na sala ena vakayacori kina na kena inaki. O rawa ni wilika nomudou lawa ena [Rejisita ni iSoqosoqo ni Veivuke](#).

► Kila nomudou itavi vakalawa

O ira na isoqosoqo ni veivuke e dui tiko nodra itavi era tauyavu kina, nodra lawa kei na veiqaravi era vakayacora, vakakina nodra vakailavotaki. E rawa ni vakayacora na isoqosoqo ni veivuke na veika e vauci ena lawa me vakayacori kina nodra inaki ia e bibi me kilai na kena tokoni na sasaga vakapolitiki kei na [valataki ni dua na sasaga](#) (vunautaki ni dua na ivakarau ni rai). Mo rawa ni kila eso tale na itukutuku ena veika e vauci ena nomudou itavi vakalawa, raica na [itavi ni isoqosoqo ni veivuke ena ruku ni tabana ni lawa](#), kei na [iVakasala ni Lawa ni iTikotiko](#) kei na [iVola ni Veika Vakalawa ni iSoqosoqo ni Veivuke](#).

► Wali vinaka ni leqa e basika

E nomudou itavi mo dou raica ni tiko ena nomudou isoqosoqo na iyaragi e vinakati me walia na leqa e basika. Mo dou raica ni tiko ena nomudou isoqosoqo na [lawa ni veicoqacoqa ni veiqaravi](#), qai tiko e dua na lawa ni basika na duidui. Na CommunityNet Aotearoa e vakarautaka [na lawa yaga, ituvatuva kei na itukutuku eso](#) me veivuke ena kena wali na leqa.

► Mo qarauna nomudou ilavo

E nomudou itavi sara ga mo dou raica ni sa vakayagataki tiko ena kena inaki donu na ilavo e vakau yani ena nomudou isoqosoqo ni veivuke. E kena ibalebale ni sa tiko na ituvatuva ni dikevi ni veika vakailavo me taqomaka nomudou ilavo. Raica na [veivuke ni ivakamacala ni qarauni vinaka ni ilavo](#) ena CommunityNet Aotearoa.

► Me maroroi vinaka na itukutuku

E bibi me vakaivolataki vinaka na ka. Me vakaivolataki nomudou bose, na veika e rawata nomudou isoqosoqo, na veika dou vakayagataka, na veika dou vakayacora kei ira na [bolecakacaka](#). Raica na CommunityNet Aotearoa ena [vakaivolataki ni itukutuku](#).

► Tuvatuva vakamatau

E dua na ka ni bolebole levu ni isoqosoqo ni veivuke na kena vakarautaki qai vaqarai na veivuke vakailavo me veitokoni ena loma ni dua na gauna balavu. Vakayagataka na [NZ Navigator](#) mo raica kina na veika dou kaukau kina kei na malumalumu eso e tiko. Mo dou nanuma [me vakarautaki vinaka ena veigauna mai muri na iwasewase dou qarava](#), me dua [tale ga na ituvatuva vei ira na vakalesilesi vou](#).

► Ripote e veiyabaki

O ira na isoqosoqo ni veivuke mera na vakarautaka e dua na [macala ni veika sa vakayacori](#) kei na veika sa mai rawati se ivakamacala ni veika vakailavo ena ono na vula ni mai cava na dikevi vakayabaki ni veika vakailavo. Na ripote ni veika sa mai rawa kei na ivolatukutuku ni veika vakailavo me salasalavata kei na na [ivakarau dodonu ni ripote](#) e vakarautaki vei ira na isoqosoqo ni veivuke.

► Vakavoutaki ni itukutuku

E bibi me vakarautaki na itukutuku vou duadua ni sala ni veitaratara vei kemudou me rawa ni keitou veitaratara yani vei kemudou qai vakauta yani na veivakadreti dou na rairai gadreva. E bibi dina mo dou vakaraitaka mai vei keitou ena loma ni tolu na vula ke dua na veisau ena sala ni veitaratara vei kemudou.

► Maroroya na itukutuku ni vuli

Na kena vulici na sala me vakavinakataki kina nomudou isoqosoqo ni veivuke ena yaga dina. E vanua vinaka mo dou tekivu kina ena [ikau ni veiliutaki](#) ena CommunityNet Aotearoa. E rawa ni dou sarava tale ga neitou vidio ena [veitokoni vei ira na vakaillesilesi vou](#) qai rai ena [Officer Kit \(iVukevuke vei ira na Vakaillesilesi\)](#) ena neitou website.



Se gadreva tiko ga na veivuke?

[Tuvanaka mo dou veitalanoa se veivosaki kei keitou ena talevoni se vidio \(Zoom\).](#)



Veitaratara mai kei keitou

Talevoni: 0508 CHARITIES (0508 242 748)
iMeli: info@charities.govt.nz